

宋

會

要

經進總類會要

宗室雜錄 紹興二年三月二日臣僚言竊聞皇兄故  
州觀察使安信亡歿有孤遺男女三人止是乳母張氏  
提携往來寄食他舍行路之人見者憐憫其本宮尊長  
安時親則伯父又職承祀實任一官之事坐視不恤乞  
賜行遣詔安時特降一官其張氏並孤遺三人並給孤  
遺錢米令仲蒸收管存恤 四月二十五日權主管行  
在宗正司仲蒸言宗室文武官近有徑詣朝廷陳乞差  
遣意在覩求欲乞自合該堂除之人方得經由朝廷餘  
官並合赴吏部注授從之 閏四月十三日詔皇叔祖  
檢校少保武泰軍節度使追封平原郡王仲綜合得遺

未恩澤候孫女出嫁日夫特與補承信郎從其子士申  
所乞也 八月十九日吏禮部太常寺言寧州觀察使  
安定郡王令話薨伏見榮州防禦使權行在宗正司令  
時<sup>時止</sup>屬近行尊合依例襲封緣別無案籍檢照乞依  
昨令話襲封事理集行在見任待闕寄居宗室議定取  
旨施行從之 十二月一日詔故安定郡王令話親孫  
女三人候出嫁日依仲綰例女夫與補承信郎以其用  
遺表恩陳乞也 三年正月四日臣僚言比來宗室貧  
乏不能自存官不為給曆者或已給曆而不為支俸有  
該普恩量試不為保奏或因去失告敕已給公據而有  
司尚需去失以前干照者望詔有司凡宗室流寓所在

其未給曆者令依累降旨揮速以給曆即令按月支俸  
其該普恩量試或去失告教若已給公據別無偽冒即  
令起奏施行並不得非理阻難致有失所詔令戶部勘  
當本部言祖宗朝非袒免親蔭補外官父祖俱亡年  
未該參部之人自合釐務日給曆起支請受罷日不住如  
試補授選人自合釐務日給曆起支請受罷日不住如  
係補授使臣已赴吏部公參了當及參部日別無差遣  
其請受文曆依前項指揮別無違礙合行出曆如未參  
部及參部日已有差遣依兩件指揮未合出給曆今欲  
行下逐路轉運司遵依施行從之三十日詔宗室添  
差差遣每州十縣已上不得過十員不及十縣至五縣

去處各隨所管縣分數目添差三縣已上五員三縣已下三員諸縣萬戶已上三員萬戶已下二員仍並以二年為任以吏部言檢准敕宗室添差合入差遣每州親民監當不得過七員諸縣監當不得過三員並不釐務蓋為優恤宗子今已添差數足不住有宗室陳乞接續添差而元降指揮內即無今後之文亦無止添差一次指揮本部切詳宗室宗法每州縣限定員數比之外官所入闕次絕少况目今在部宗室已是員多闕少差往不行其諸路州軍所管縣分多寡不等難以一概作州七員縣三員差注謂如江陰軍止管江陰一縣建昌軍止管南城南豐二縣若與福州臨安府等縣分多處一

般差七員實為不均欲乞今後諸州軍添差不釐務宗  
室每州十縣已上親民監當通不得過十員不及十縣  
去處合隨所管縣分數目添差其不及五縣並不得過  
五員諸縣不得過三員並從本部於去替前一年內以  
先到任人使聞候見任人罷日趕上並三年為任其昨  
未止七員縣三員已添差處自合終滿今任其差注條  
法並依建炎四年六月五日已降指揮施行故有是詔  
四月二十六日詔今後宗室南班官不許出謁及接見  
賓客著為令 六月十八日詔令時安時士櫛仕于士  
竭古萬切月廩特免一半折錢依尚書侍郎等則例並支  
本色從所乞也 二十三日知大宗正丞謝偁言奉詔

與今時同條畫移司事務謹具五事一曰舉賢才以強  
本支夫宗室之有人邦家之光社稷之衛也望詔內外  
從官各舉宗室一二人略及其才行履歷以備任使二  
曰更法制以除煩苛臣嘗取太宗正司敕令閱之多有  
不便於今者宗室耆老為臣言曰熙寧元豐之令綱條  
至簡昨據宗正仲忽多所建白行之二十年徒有峻深  
之具而無耻格之風其大宗正司敕令乞下詳定所訪  
尋舊令與新令參酌刪修三曰擇官師以專訓導真宗  
咸平間使輔臣選醇儒教授南北宅比來選用浸輕至  
或久闕正員簿書期會之吏得以攝事使宗室何視以  
為模範哉其大小學教官乞詔三省遴擇儒臣以專訓

導曰曰繼封爵以謹傳襲夫宗室襲王公之爵以奉其  
先祀不過十數人而已艱難以來幾廢紹封比年漸復  
舊典仲浸嗣濮王矣今時襲安定矣而親賢之宅徒得  
主奉祭祀之名廣睦諸位不襲國公之號非所以隆骨  
肉之恩也望詔有司定次行封以傳謹敘之法五曰修  
圖謀以定親疎宗正之掌圖謀所以分源流之遠近定  
世次之戚疏比年以來雖間置卿漫不有察宣和之間  
有乞附屬籍而非宗室者今國是也近年以來亦有詐  
稱宗室而興兵者不覆是也遠慮過防必於無事之際  
世系遠近當使天下明知之漢律郡國歲固計上宗室  
名籍今宗正有寺而無官以太常兼治望詔宗正寺下



州縣取索名籍編修玉牒或先為宗室系表頒之天下詔內外侍從各舉宗室一員大小學教授各選差一員襲封令吏部勘當餘從之 八月二十九日嗣漢王仲湜言孤遺宗子散居州縣支請錢米乞令諸路轉運司下逐州軍委檢察尊長檢察詐冒其尊長每月添破茶湯錢三貫如有詐冒許諸色人告每名賞錢五十貫仍許逐宮宗子互相覺察亦支上賞其錢米令按月支給過期不支許監司按劾詔自今檢察尊長滿一年無詐冒者與減三年磨勘如有不實責亦如之其勘給官司有失覺察重作行違仍令所在月具管下宗室支過錢物數以聞餘從之 九月十八日詔仲湜士從士術

士歲月廩依令時等刑特免一半折錢並依尚書郎官  
則例支破本色 十一月十日令時言乞於逐宮各選

差年長可以表率宗子一員充都尊長從之 十二日

江陰軍進士李韜蘇白上書言宗子分寓郡縣搔動民  
庶或暴人以威而強取其物或攘人之物而不償其直  
或挾以讎而肆欺或指他事而見虐稍涉觸忤則動以  
尺鐵箠之至死而弗之恤或挾弓帶矢飛鷹走犬驟駿  
馬驅小人馳騁田野踏踐穀麥曾不顧藉或醞造酒貨  
興販私物百姓無所申愬郡縣不敢誰何詔令諸路帥  
臣監司守臣常切覺察如有似此之人仰具事因聞奏  
取旨重作施行 二十五日詔令後宗室添差釐務小

使臣權以二年為任 四年二月一日詔南班宗室自  
今並赴臺參以待御史辛炳言右監門衛大將軍忠州  
防禦使士弼等一十一員於去年十一月十五日朝見  
訖並無故不赴臺參累牒大宗正司告報逐官回牒取  
到士弼等狀自稱自從陞換南班衛官及今二十六年  
並不曾赴臺參並昨來自東京至建康府以來一搬宗  
室赴赴朝參亦不曾臺參兼詳臺參令注即不該載南  
班環衛官赴臺參之文檢准本臺令諸節度觀察留後  
至刺史諸衛上將軍至副率到闕出使仍參辭紹興職  
制令諸金吾衛上將軍至諸衛將軍為衛官又本臺令  
諸不赴臺參者無故過十日同以見謝辭日為始殿中

侍御史具姓名申臺取審狀申尚書省太中大夫侍御史以上並奏餘官拒過飾非准此令契勘逐官依條令並合赴臺參兼檢照得去年有宣州觀察使仲勗權知大宗正司事在任替罷到闕見朝訖依本臺條限赴臺參及新授鄧州防禦使安時朝謝訖亦曾臺參今來士勗等不依本臺條令赴赴臺參亦不伏取審却一向他說顯是違本臺條法拒過飾非故有是詔 五月十三日詔檢校少保光山軍節度使同知大宗正事士儔仍了第三男秉義郎不初加特與換文資第四男忠翊郎不由又特換環衛官以士儔陳靖康未得太

后密旨遣管押張邦昌賚主寶詣南京未曾推恩及不

詔昨條宗學陞補上舍故有是命 六月五日詔令應

苦勞特與轉行左太中大夫別與知州軍差遣尋有指

揮更不施行

臣僚言契勘元豐更定官制以左右諫

議為太中大夫秘書監為中大夫雖兩官相去一間然

官制既定則諫議者侍從也秘書監庶官而已故吏部

法自承務郎已上應遷官者至中大夫止若太中大夫

非侍從不得轉行謂之殿止法令應係中大夫庶官

寄祿至此極矣而輒得轉行太中大夫則是庶官超轉

侍從於法有礙夫國家立法所以公天下也使令應得

以超越轉行大中大夫非惟名器可惜亦恐方今天下

官至中大夫者不少若其間苟得無耻之士佗日引此

為例兼令憲在宗室中廉聲不聞昨居福州於太守程  
邁處闕說公事不滿其意遂興訴訟近差知泉州衆人  
知其貪而畏其來今又改除別郡不知果能為陛下安  
養百姓乎欲望陛下將令憲轉行太中大夫并知州差  
遣指揮特賜寢罷有旨趙令憲別與知州軍差遣指揮  
吏不施行令以次官命詞行下起居舍人權中書舍人  
王居正奏庶官中大夫之不可轉行太中大夫則此祖  
宗之法萬世不可改易以令憲為賢邪則貪慝苟得衆  
所共知以一太中大夫為不足惜耶則宗室之為承宣  
使者不還踵求為節度使矣臣誠不敢曲從助成朝廷  
之過舉臣未敢命詞行下於是併寢

七月二十二日

大宗正司言洛州防禦使前知西外宗正事士從狀任滿依格推恩合於見今官上改轉一官吏部却依外官轉至武功大夫作止法依條回授士從係南班總麻親依條格合轉觀察使止即與外官遷轉條法不同詔士從特與轉行正任觀察使五年二月二十一日詔應在外宗室等合得請給并遺孤殘米令所在州軍按月支給如州軍應副請給之後尚有道溺之人仰所屬具姓名申尚書省二十二日嗣濮王仲湜言契勘宗室昨係本司元保奏因遭兵火有全去失告劄者名知閭御帶管軍之類作保吏部方許給據切詳宗室若與知閭御帶管軍素非親識難使宗室不得從仕欲乞許全

去失告劄宗室召異姓大使臣二員并宗室無服親小  
使臣一員保識同本宮尊長保明結除名編置之罪許  
本司保奏從之 閏二月十三日福建路安撫使司言  
眉州防禦使知西外宗正事士樽到任三年宗室無犯  
徒以上罪保明乞依條施行吏部勘會宗正司稱昨士  
樽反古服任滿於密州觀察使上特轉清遠軍承宣使今  
來士樽與士陳事同一同詔士樽與特轉行正任觀察  
使 四月七日詔賚之與減三年磨勘以大宗正行司  
言其任紹興府幹轄稽察宗子更無冒請乞行推賞故  
有是命 六月二日大宗正司奏安定郡王令時薨詔  
皇伯武經大夫令玘切古邦可特授華州觀察使安定郡



王 四日詔南班宗室見居屋宇窄隘令臨安府相度  
檢計申尚書省 七月上曰朕以南班宗室請給至薄  
貧窶者衆昨日出內帑錢賜二百千令宗正丞沈禹卿  
散給尚有親賢宅近屬以取會人數別行給賜趙鼎等  
曰陛下敦睦如此威德事也 十七日添差通判湖州  
子俱言諸州宗室未有屋宇欲乞以官地蓋造拘在一  
處內選差尊長一人鈐束檢察偽冒仍差監門官一員  
禁止出入年未及十五歲附入州小學十五歲以上入  
大學依學生月給錢米仍許依進士科舉法取應未出  
官者亦許入學聽讀實及一年方許參選庶可教養成  
材以副敦敘之意從之 同日尚書省言昨南班宗室

合支食料除羊肉見折支價錢外餘物依靖康元年十一月指揮權行住支今行在物價稍貴其見在不帶送郎南班宗室日赴朝參每月用度不足理宜措置詔南班不帶送郎大將軍至率府副率特依御厨第等食折支錢例支給其見折支羊肉錢更不支破 十一月二十八日上曰南班宗室當此時寒不易朕前日各賜綿絹共支過絹三千六百疋綿一萬兩趙鼎等曰陛下盡敦睦之道可謂威德然賜出內帑故外庭無由知之上曰不欲令戶部支者恐傷經費故也 十二月二十五日大宗正司言南班宗室并隨侍共十四員內士僕切魚物士各加廂疾慮朝參人少欲於紹興府士舍

前赴行在從之 六年正月十四日詔子彥男伯玖賜  
名璩除正任校禦使 九年三月七日以和州防禦使  
為保大軍節度使崇國公 十四年九月二十三日詔  
璩宅令臨安府張叔獻相視晉安郡王宅屋宇一體修  
造十五年正月十一日詔璩可於三月內選日出外第  
應合行事並依晉安郡王例施行二月二十二日制為  
檢校少保進封安平郡王 三月一日詔璩所差官吏  
并合行禮儀等並依晉安郡王體例 十七年六月二  
十六日制授依前檢校少保充武庫軍節度使恩平郡  
王 十九年三月二日詔璩德聽讀周禮終篇本府教  
授官吏並各與減二年磨勘四日詔璩府官吏等自今

後有官吏到府及兩任無過犯特與轉一官資內殿止  
法人特與轉行無名目人候有名目日收使白身宅案  
書表司指書自差到府滿七年無遺闕並特與補武進  
副尉出職二十四年十一月十七日制以璩從告除舊  
官三十年三月二十四日制特授開府儀同三司依前  
武康軍節度使恩平郡王判大宗正事紹興府置司  
四月九日詔親賢宅益王府開府儀同三司豫章郡王  
孝參兩女特依晉安郡王孝騫女和容宗姬體例放行  
請給米麥時有旨並權住支所乞也 六月二十五  
日詔左太中大夫充集英殿修撰提舉臨安府洞霄宮  
令應特除開州觀察使封安定郡王 七月二十九日

諸王宮大小學教授蔡安彊言自艱難而來宗籍散闕  
立嫡以繼浸不可推在昔諸王皆祖宗之子而其後世  
襲封公爵如秦漢魏燕周莫商越鎮楚國公不過十人  
古者有子孫存不可以乏先祖之祀今諸王之祀十年  
不供而有司未聞有議之者願詔有司考諸王之世選  
屬近而行尊者各一人補環衛官襲封公爵後太常寺  
討論如有依條合襲封公爵之人令太宗正司擬定取  
旨施行外其乞行尊一節即不應襲封條令難以施行  
從之 十一月十八日象州防禦使士街言昨差充宗  
廟神主五享獻官前後五年及自温州護從至臨安府  
并昨主管四朝五殿御容自建康府迎奉至洪州並無

疎虞詔特依黃正彥奏伸士塏立已推恩體例與減  
七年磨勘 二十四日諸姓王宮大小學言太學生不徹  
條潤王宮士套位每病割骨奉母所患平復不徹特與  
轉一官 二十八日詔知郃武軍子木到任陳獻利害  
深有可採特與減二年磨勘 七年正月二日吏部言  
閬州觀察使同知太宗正事安定郡王全慶昨為集英  
殿修撰止於紹興六年七月八日準告特授前件官襲  
封依條襲封人不廢止官合該磨勘轉行詔令應與磨  
勘特授鎮東軍承宣使 十一月二日知南外宗正事  
仲偃言昨降指揮依嗣濮王仲昆申請將詐冒請敘宗  
子押送外宗正司錄閉檢準宗子犯罪錄閉條內諸款

人已殺強盜十惡故燒有人居之室各罪至死貸免或  
罪不至死謂為盜而分受所盜匪盜物之類而所犯醜  
惡者本宮院錄閉滿三年取旨免特旨永不放契勘本司  
見有臨安府并大宗正司牒送到冒請錢米及累作過  
犯宗子赴本司錄閉緣逐人所犯不係前項該載及不  
係特旨永不放免之人詔見錄閉冒請錢米宗子並放  
逐便 八年十二月十三日知大宗正事士儼言南班  
宗室有團練使以上每月各有俸米選判以下則不合  
支破此固成法然在承平之時如生日郊天支賜既厚  
每月生料米麥亦可資助今來一切住罷所有俸錢有  
不足於糶者望將南班宗室選判以下權依寺監丞近

例每月逐員特給米三石俟將來放行其他支賜日住  
罷詔令紹興府每歲於合發上供苗米內支撥五百石  
付士廩均俵 九年七月二十六日左迪功郎善時言  
切見沈晦榜初罷三舍改科舉宗子分三科亦分三等  
推恩有官鑠應先轉兩官換文資無官取應上三人保  
義郎餘承節郎無官應舉補修職郎見今鑠應取應人  
依舊推恩善時係無官應舉沈晦後方第一榜若是補  
迪功郎是與廕姓進士一同別無宗室恩數詔善時特  
補左修職郎 九月二十四日詔東京首先遠來宗子  
實及二十歲並特補承信郎未及今太宗正司支給錢  
米養贍候年及日取旨時收復河南之地保平軍院宗



予東京尊慧之自陳故有是命

十一月二十八日臣

僚言契勘宗室在京日係分宮院居處自太祖下燕王院以及諸位凡十有九所崇寧年間又置兩外教宗院拘籍非袒免已下宗室渡江以來未及定居除南班在宮隨司居住位其餘在外宗室隨所在州軍居住朝廷又於泉州置兩外宗正司以處之依政和重修令非袒免以下孤遺之人願往教宗院居住者聽經本司陳乞前去今行在除陸親宅居南班外其餘諸宮院孤遺宗子及女婦雖依格支破錢米養給即無拘籍宮院不免散居民間出入市井混雜細民所為自如殊無檢約欲令措置若未於宗司添置屋宇且當處分兩外或隣

近紹興府諸處居住勿令散處行在民間及僧寺處所有續自京師來者亦乞依此庶幾收集存養各得其所詔令禮部取會大宗正司祖宗典故措置申尚書省十二月八日禮部言故嗣王仲礪男士周不欲遽遠丘墳欲乞候仲礪出殯了日止於法安寺殯所居住候至百日却歸本宮從之十一日臣僚言恭以翼祖皇帝世子孫實在本州敦宗院自河朔失守得過江南者僅十數人陛下憫其失所乃詔宗司收係屬籍今有官者止四人至於注授差遣未得與兩京宗室侔擬此雖昔時頗有等差然兩京宗室自中興之後於舊法之外已嘗推恩而保州宗子顛沛遠來亦宜稍加厚於昔時乞

令合赴部之人權依兩京宗室體例注授詔保州宗子  
令吏部先次注授 十六日臣僚言比年宗子有官無  
官人初緣兵革避地遐方無資而不能歸間有棄家因  
循安土留滯而不肯歸甚者逐什百之利為遷徙之計  
與商賈皂隸為伍故多有未隸宗司者欲名諸路轉運  
司委州縣檢括凡宗室寓居與往來者量給路費發歸  
所屬宗司居之有所往則給與假朝廷增廩稍以養之  
庶幾人人貴愛知自別於流俗以稱陛下惇敘之意詔  
檢會 十一月二十八日臣寮上言乞措置宗室居處  
令禮部一就措置申尚書省 十八日臣寮言仰惟陛  
下惇敘九族袒免近屬合得生料米麥西南兩司皆有

孤道錢米方其出適則因等第而給嫁資逮其送終則  
官品而支賻贈法令具存親睦厚矣昨因削裁遂致匱  
乏即今近屬有若孤遺宗婦孀居而或無子弟雖有子  
弟而未能出官宗子年未入仕宗女幼小未出嫁既不支  
錢米又緣住罷生料平日已見貧窶一或凶變多是臨  
時假貸望詔有司將袒免以上宗子宗女婦逐月合得  
生料內米麥等依舊放行宗婦有子弟者候到官宗子  
年未及者候出官宗女幼小者候出嫁方令住支其餘  
宗婦雖孀居而子弟出官宗女雖幼小而父兄可恃宗  
子已參部宗女已適人不得援例所有賻贈乞依嫁資  
等第給賜詔令大宗正司開具申尚書省

紹興十年

正月五日臣僚言知建州士諫

魚與

本州添差通判

士禡

切莫

皆係宗室依條宗室知通不得同任其士禡

合行迴避而遷延在任無迴避之意乞將士禡放罷聽

歸部別注差遣從之二十九日太宗正司言修武郎

士穀昨取福建路轉運司文解未嘗試欲依宗室令芹

子穀例換授文資詔士穀令中書後省召試時務策一

道特與補右宣義郎其後十四年五月二十四日宗

室子攸進文字乞換文資上曰朕固欲宗室向學然文

資豈可僥倖而得須令後省試策乃可十一月十五

日諸王宮大小學教授石延慶言仰惟神宗皇帝誕頒

詔旨以祖宗之子皆擇其後一人為宗令世世封公補

環衛官以奉祭祀不以服屬故殺其恩禮爰自艱難以  
來屬籍散漫繼襲之宗未易推考故諸王之祀闕然弗  
舉上軫聖慮昨因臣寮之請嘗令大宗正寺擬定襲封  
累年未決詔有司趣令擬定應將未襲封宗子合居環  
衛官量與陞等補授仍特優其稍廩庶幾繼襲之人各  
修厥職詔令禮部依已降指揮疾速取索擬定申尚書  
省八月十一日禮部言宗正司欲將諸王之後見在  
最長一名推令主奉祀事即不改換環衛添破請給將  
來有已襲封人來歸及見得有合襲封人即依自來法  
法施行檢會本司令諸祖宗之子皆擇其後一名為宗  
世補環衛官以奉祭祀今來所乞權令主奉祭祀事並

不改換環衛添破請給別無違礙從之 同日諸王宮  
大小學教授范雱言伏觀祖宗舊法南班宗室大將軍  
以下每二年一試藝業取中選者推恩切詳立法之意  
以謂大將軍至副率府率官卑齒壯可以專心學問既  
設官以教導之又間歲以程試之選其藝業之精增以  
祿秩之賜故官卑者有升進之望學成者得襲寵之榮  
而怠惰者莫不相與激勸一舉而三利實良法也建文  
二年秋試選人合行附試有司以大宗正司及南班宗  
室尚在京師乞候次年春秋試依舊施行因循至今未  
曾檢舉望詔有司遵行舊制來年春試選人復許宗室  
大將軍已下附試藝業取人之數推恩之法一依條格

施行詔令禮部行宗正司等處疾速取索合用條法開  
具中尚書省 十一年九月二十九日詔宗子持之特  
送西外司錄閉永不放出以大宗正司言其累冒刑禁  
頑惡不悛故也 十月七日判大宗正事士儼言近來  
行在南班宗室或有物故及換官出外其赴朝參人日  
益稀少乞將紹興府行司宗室正任以上並發赴行在  
奉朝請庶幾增益班列少壯國體從之 十二年二月  
六日吏部言勘會小使臣宗室經任添差一州十縣以  
上通縣合差伍員七縣以上四員五縣以上三員餘二  
員初任添差宗室大藩節鎮二員餘州諸縣各一員續  
承紹興八年七月十四日申請指揮為初任闕多員少



將初任員闕亦許經任宗室指射如無初任人指射許  
差經任宗室止理為初任員數本部見遵執逐項指揮  
依格差注近累有經任宗室指射諸州縣初任員闕內  
有課利陞及三萬貫以上去處依格經任有舉主無過  
犯較量功分高下定差緣初任宗室拘礙格法不合注  
授從來未經申明本部欲將諸州縣初任宗室員闕內  
有課利陞及三萬貫以上去處許經本任室指射較量  
功分高下依格差注止理為初任員數從之五月六  
日知大宗正事士会言行在赴赴朝參南班宗室元係  
二十七員昨緣士糾士恭士雄換授外官仲圭余歲身切  
亡今止有一十三員後雖令士街等四人赴行在赴赴

朝參又緣士衛士術士箴並以病免士瑀

五胡見丁母切

憂今乞據見闕員數於紹興府行司南班宗室內選擇  
循守規矩別無疾病可以赴赴朝參之人具名中取朝  
廷指揮仍乞今後遇有行在睦親宅赴朝參宗室事故  
准此施行從之 九月十三日敕應宗女在外因夫亡  
親死無所依倚聽於所在自陳仰州縣當職官驗實量  
支盤費差廂軍或舟船津發赴宗正司責委本位尊長  
撫養與計口依孤遺法給錢米勿令失所 十一月三  
日右監門衛大將軍開州團練使士諳奏乞依行在南  
班舊屬令疇士輻士獨安時士癸月廩米麥特支一半  
折錢依尚書侍郎則例並支本色從之 十三年九月

一日詔宗子先往軍前未回之人有遺下妻孥已依格  
支破俸給其間或無子孫依倚如願往父母及親兄弟  
之家歸寧并親女已出適之家權暫居住者聽候夫若  
子還日依舊如無父母親兄弟及親女或雖有而不願  
出外者責本位尊長主管養贍從宗正司請也 十四  
年十一月二十五日宰執進呈乞以軍器監子厚暫權  
吏部侍郎秦檜曰今日宗室所宜崇獎令聚於朝上曰  
宗室之賢者如曾試中科第及不生是非之人可收置  
行在如寺監秘書省皆可處之祖宗以來不用宗室作  
宰相其慮甚遠可用至侍從而止 十五年正月二十  
五日宰執進呈大宗正司中宗子不暇古了不法等事

上曰宗子不肖至於如此然其間不無清貧有守之人  
前日有貧而不能娶者朕賜之千緡所以勉之也 三  
月十八日詔取應宗子伯德補居令赴正奏名廷試先  
是上諭宰執曰朕閱其程文多引詩書頗不易得故有  
是命 四月二十五日詔和州防禦使知西外宗正事  
士燦身亡令福建路轉運司支給銀絹各一百疋兩  
五月十三日禮部狀准敕臣僚奏國家三歲取士於宗  
室特加優異盖示親睦昨國子監申請行在宗室并赴  
國子監試如授外任差遣并宮觀藏廟並赴轉運司試  
特從其便初非有內外之別其赴國子監試者有官錄  
應每七人取三人無官應舉每七人取四人無官袒免

親取應文理通者為合格不限人數唯赴轉運司試者其所取之數即與進士一同非所以獎進宗子之意望詔有司詳酌施行國子監言欲除行在宗室依見行條法外其諸路宗室不以有官如願赴行在應舉錄應者欲依熙寧舊制並許國子監請解赴省如不願即依見行宗寧通用貢舉條法施行從之 九月九日詔誠忠郎不皦以倡女為妻偽冒請受追四官罰銅三十觔勒停特除名送宗正司庭訓拘管 二十九日吏部言近潼川府路轉運司乞將本路宗室大小使臣陳乞添差之人不候季首使闕出榜五日許占射竊詳在法遇有射闕宗室並會問三選并宗正司與見任宗室有無服

紀相千方許差注到任半年使闕二年為任緣四川即  
無宗司可以會問今欲將見在四川宗室令逐路轉運  
司遇使闕差注先令射闕人供見與見任宗室別無服  
紀職事相干結罪文狀依定差外官格式繳錄申部照  
應出降付身從之 十六年二月二十九日右監門衛  
大將軍貴州刺史居中言昨緣父歿無依得旨令赴伯  
母成寧郡夫人王氏位恩養仍不妨祭祀今來成例義  
當還本宗切見故伯安統位下無人主奉祭祀望以居  
中承嗣並主奉本位祭祀以報鞠養之德從之 八月  
二十九日詔故寧國軍節度使安時合德遺表恩澤依  
信例與安時親男右監門衛大將軍榮州團練使居廣

轉行兩官千牛衛將軍居仁居中居修各轉行一官從  
所乞也 十七年二月二十一日詔承節郎監澤州南  
獄廟伯廣以歐打百姓致死會赦追毀出身以來文字  
除名勒停送宗正司拘管 三月九日西外宗正司言  
不願五罪久居庠序文藝卓然衆所推譽詔與免文解  
一次 九月十四日進呈安德軍節度使知大宗正事  
士会赴行在供職乞上殿奏稟職事上曰南班有分處  
紹興府者比之行在日奉朝謁勞佚不均祖宗時待遇  
優卹間有服湯藥假比及合參見但令隨班起居朕念  
宗子口衆食貧者多如衣裘僕馬之費時有以資助之  
秦檜曰向日郊禮錫予加厚足見聖慈惇叙之意 十

九年六月十五日西外宗正司言伯仁在學二年文藝  
優長衆所推譽詔特免文解一次 二十年七月七日  
詔右監門衛大將軍居中特降一官以權主奉益王祭  
祀居廣劾其不遵禮法祗袒私出故也 十三日大府  
少卿徐宗說言昨降指揮州縣寄居宗室見請孤遺錢  
米文曆繳納戶部換給自降指揮累年之間尚有繳發  
舊曆未到者竊慮既已往勘因致失所欲乞且令照舊  
請檢旁權與按月放行仍催促供申換給詔令戶禮部  
同大宗正司看詳 戶禮部大宗正司言昨換舊曆已  
有紹興八年六月指揮更展一年已是出還年限若依  
今來臣僚所請用舊旁放行慮別有詐冒今欲將四川



二廣福建湖南北路州軍再展限一年其餘隣近州軍  
半年專委守臣并檢察尊長催促依紹興五年四月指  
揮召保取索宗枝等所屬保明申部其繳到舊曆之人  
權行給據批勘候新曆到日追據毀抹如更違今來年  
限之人令所屬具名申本司取旨如守臣并檢察尊長  
容縱蓋庇許監司按勘從之 十二月四日詔宣州觀  
察使士衡特許用兄士衡所得回授一官恩例與減三  
年磨勘仍依仲溫例除在京宮觀任便居住應合得請  
給支賜等並依南班舊法支破 十二日詔無官宗子  
師椿令大宗正司押赴南外宗司拘管以本司言其過  
犯非一屢經庭訓不悛改也 二十二日詔知大宗正

事雖主管濮安懿王祠事士奎以不諱切連不昧特與  
依不凡例換授文資 二十一年四月十九日詔取應  
宗子公又令赴正奏名廷試 二十二年二月五日安  
慶軍承宣使同知大宗正事士衡言行在南班宗室目  
今窮窘用度不足至有亡歿而無以辦棺殮者若宗室  
士靖切倉向并士閏妻王氏是也欲乞行在奉朝南班宗  
室應權住支請給及郊禮支賜等並乞依舊格全放施  
行從之 四月二十一日詔無官宗子不辱令秀州差  
人押赴大宗正司庭訓乞錄閉以夜遊毆擊右迪功郎  
呂禔致死故也 五月一日詔右監門衛大將軍開州  
團練使士諱令大宗正行司發赴行在依舊奉朝請所

有應往支請給人從等並依行在見令南班宗室支破  
十二月二十四日詔右監門衛大將軍居中降一官特  
送紹興府宗正司拘管以乘馬撞踏百姓致死故也

二十三年三月十三日詔福州觀察使前提舉江州太  
平興國宮士擢任滿特令再任請給人從等並許於經  
總制錢內支破本色仍免減借 二十二日詔皇姪右

千牛衛將軍權主奉王王祭祀居端轉兩官右監門率  
府率居靖轉一官以居端等言祖父檢校少保寧國軍  
節度使開府儀同三司晉康郡王孝騫自靖康以來該  
遇堅節并大禮共三十餘次合得奏薦恩澤乞依安時  
仲曆如昆切例止於居端及居靖官上轉行故有是詔

五月四日故檢校少師光山軍節度使開府儀同三司  
齊安郡王士儼男不恤言先臣曾判大宗正事兼主奉  
濮安懿王祠事乞依仲湜仲儼例贈官封爵臣乞依不  
例轉行一官候服闋日差在京宮觀親第六人乞以  
遣表恩澤各轉兩官曾長孫汝鵬見係白身乞補文資  
姑宗德縣主乞特封郡主諸妹所生母五人乞依士儼  
妾焦氏封號仍許踏逐功德院詔並從之 十一月一  
日瓊州觀察使權主奉益王祭祀居廣等言祖父各任  
檢校少保孝誼淮康軍節度使孝悅奉寧軍節度使孝  
頴順昌軍節度使孝愿靜江節度使自靖康以來遇大  
禮并聖節合得恩澤共一百二十餘次乞附水使從之

於是以居廣特授常德軍承宣使右監門衛大將軍貴  
州團練使居中特授和州防禦使右監門衛大將軍貴  
州刺史居閬切特授榮州團練使右監門衛大將軍  
居仁特授吉州刺史右監門衛大將軍居修特授高州  
刺史右千衛牛衛將軍居厚特授右監門衛大將軍降授  
右千牛衛將軍居中特降右監門衛大將軍 二十四  
年三月十七日詔士大上遺表可依士会例贈官進爵  
弟士諱士奇切宜各特轉行一官男不諱與轉行兩官  
不祿不微並特與除直秘閣不駟不咎祖爾不利切吾官  
並特改換等合入官并幼男二人與賜名補官仍撥賜  
紹興府山陰縣天衣寺充功德院 二十八日詔無官

宗子公寶令大宗正司庭訓訖押送南外宗正司錄閉  
以宗正司言公寶在鎮江府凶暴擾民累犯不悛故也  
二十五年十一月二十六日左朝儀大夫直秘閣福建  
路提點刑獄公事令詠吓憲可特授利州觀察使安定  
郡王 二十八日安定軍承宣使同知大宗正事士錢  
言竊惟天下之才成於激昂敗於自棄况天族之貴乎  
陛下建宮學選師儒所以崇獎宗子委曲備至比年以  
來布衣韋帶與進士群試有司者甚盛也望詳令今後  
得解宗子不以有官無官願與異姓舉子混同考試者  
聽如有中選之人乞稍加採擢如不願與異姓舉子混  
試者只依舊法施行庶幾人思自勵奇才輩出以彰宗

黨得人之盛從之

紹興二十六年正月二十四日詔

左朝請大夫令衿除明州觀察使襲封安定郡王初令衿坐累拘管嘗詔左朝儀大夫直秘閣令詠襲封至是令詠言堂兄令衿祿齒序最長偶因停降乞賜改封故有是命 二十六日樞密院編修官吳□言仰惟國家敦叙九族是故睦親有宅敦宗有院又設學校尊師儒以教導之比年以來以科舉進數倍日前可謂甚盛然特精於文藝耳其於行檢庸或闕然望下内外宗正司其間宗子有能砥節礪行不同流俗恪遵士檢可為宗室表儀者上其名於大宗正司籍記姓名以俟他日登科優加擢用庶幾有激勸從之 四月七日右監門衛

大將軍昌州防禦使提舉祐神觀不微言先臣士会元  
任開府儀同三司恩數依見任執政條例昨來身薨雖  
蒙恩與男三人弟二人各轉一官其致仕遺表恩澤寺  
並未得指揮竊見故叔士樽亦任開府儀同三司遺表  
恩澤男九人內八人各轉一官一男除直敷文閣添差  
通判一弟叙復觀察使其給使減半並皆依所乞望依  
故叔士樽前後已得指揮施行從之 六月二十二日  
故教武郎子駿男伯璉言故父子駿曾於濟南府募兵  
勤王隸大元帥又於濟南勸進并獲從至南京該遇登  
極乞補授一初補使臣名目詔伯璉補承信郎 七月  
十九日知南外宗正事士剏先活言善從伯邁伯仁在



學文藝為衆所推詔並特免將來文解一次 十月四  
日上諭宰執曰往年京師宗室繁盛侍從官以至建節  
者甚多今如南班亦絕稀少朕甚念之或有材行文藝  
者選三兩人與除行在官 二十六日定江軍承宣使  
同知大宗正事士幾奏具到宗室正任觀察使三員正  
任防禦使一員遙郡防禦使四員遙郡團練使八員遙  
郡刺史二員右監門衛大將軍二員詔南班近屬所存  
無幾久不推恩可特與轉行一官承宣使者令回授  
於是以皇叔均州觀察使士洪為華容軍承宣使潭州  
觀察使士嶷丘檢切為靜江軍承宣使宣州觀察使士諱  
為清遠軍承宣使和州防禦使知濮安懿王園令士輅

為建州觀察使右監門衛大將軍和州防禦使士沅悲攀

切為和州防禦使右監門衛大將軍和州防禦使士泰

呼為新州防禦使右監門衛大將軍眉州防禦使士

周為復州防禦使右監門衛大將軍象州防禦使士程

為眉州防禦使右監門衛大將軍吉州團練使仲輯與寫

切為和州防禦使右監門衛大將軍成州團練使士錄

為新州防禦使右監門衛大將軍成州團練使士寔又

切為眉州防禦使右監門衛大將軍貴州團練使士陪

馬為復州防禦使右監門衛大將軍果州團練使士

父補為郢州防禦使右監門衛大將軍成州團練使

士穆為和州防禦使右監門衛大將軍貴州團練使士

石為蘄州防禦使右監門衛大將軍貴州團練使士歆  
為眉州防禦使右監門衛大將軍榮州刺史士秀為成  
州團練使右監門衛大將軍吉州刺史士闡為果州團  
練使右監門衛大將軍士訓在列為恭州刺史右監門  
衛大將軍士峴切為達州刺史其所帶環衛官並依  
舊十一月二十六日詔親賢宅南班宗室居廣九員  
員可依士嶷等例特與轉行一官內居廣係承宣使許  
依條回授於是以前蘄州防禦使居中為宣州觀察使  
右監門衛大將軍均州防禦使居閬為和州防禦使右  
監門衛大將軍貴州團練使居仁為和州防禦使右監  
門衛大將軍貴州團練使權主奉吳王祭祀居端為復

州防禦使權主奉吳王祭祀右監門衛大將軍榮州刺史居中為成州團練使右監門衛大將軍高州刺史居修為貴州團練使右監門衛大將軍吉州刺史居厚為忠州團練使右監門衛大將軍榮州刺史居靖為果州團練使所帶環衛官並依舊 二十七年六月二十一日諸王宮大小學校授樓韋奏伏見紹興五年七月十七日敕諸王宗室年未十五歲附入州小學十五歲以上入大學依學生日給錢米依進士科舉法取應其有官而未出官亦許入學聽讀實及一年許參選出官敦叙之道訓迪之方可謂至矣而比年以來諸州宗子入學或止係籍而身未嘗到至於有官參選之人往往臨

時計會有司虛給公據上下相蒙寢以成俗甚非所以  
奉承休德乞下大宗正司嚴行約束仍敕監司郡守督  
所在尊長檢察勸誘痛革前弊從之 七月二十日史  
部尚書陳康伯言勘會紹興令諸宗室知通與官官不  
得同任又令諸職事相干或統攝有親戚者並迴避尚  
書右選差注宗室兵官見依建炎四年五月二十九日  
指揮會問大宗正司與見任宗室無服紀許行差注緣  
尚書左選每遇差注宗室知通即會問本州如有已差  
宗室兵官即拘上條不以有無服紀不得同任近來諸  
州兵官多是添差宗室又近承指揮應通判除武臣知  
州高麗人使經由及元係堂除使闕外餘並令本部使

闕若不申明朝廷不惟宗室已闕陞通判資序無闕可  
入使本部亦差注不行今欲乞注擬宗室知道其見任  
已差下宗室兵官係是添差釐務者並行會問大宗正  
司若別無服紀即行撥差如有服紀及係正額兵官到  
罷月日相防並不許同任從之 二十八年二月七日  
詔益王府宗子居中居修各特降一官內居修送紹興  
府宗正司拘管以在府宣囂不肅也 二月十七日禮  
部言契勘本部見在宗室職事官隨侍子弟乞依條國  
子監補試緣自來未有立定條法竊詳在法補入學國  
子生雖赴公私試即不許陞舍不差職事至發解年係  
別立號於十人取三人為合格今來若令宗室職事官

隨侍有服親依國子監法補試即合依庶姓例如補試  
入學後亦不許陞舍不差職事至發解年即合自依宗  
室取解本法更不與庶姓太學國子監生混試庶幾天  
文之秀得與寒士均被教養從之 五月十五日宰執  
進呈宗正司乞將取應宗子比類府監得解人理年免  
舉上曰此等皆有條法且如祖宗時宗室子孫衆多朝  
廷費用亦廣自非<sup>分</sup>袒免非袒免親以來俸料之數稍就  
科格此事若可行當亦不至今日只令遵守舊制可也  
宰臣沈該等奏曰自神祖朝加意宗室法令周備當依  
聖訓同共遵守 八月二十六日知大宗正丞陳棠言  
切觀比年以來宗室補環衛者無幾而朝謁之員寢闕

合襲封者不舉而主祀之人或廢是皆有司失於講明  
甚不稱陛下惇睦之意臣聞宗室祖宗時近屬並留京師參  
奉朝請治平中為最感愛自時艱環衛稀少又分處紹  
興府外司者幾半頃者宗官建言遇朝參宗室闕員乞  
於紹興府南班內選擇循守規矩之人具名以聞既得  
請矣今睦親親賢兩宅奉朝請者不滿二十人而在他  
司者未聞選擇寘之周行凡奏告薦饗攝行祀事輪差  
猥并以此知朝謁之員浸闕也臣又聞祖宗之子皆擇  
其後一人為宗世世封公補環衛官以奉祭祀緣襲封  
公爵並須傳嫡遂難其人後因臣僚論奏乞選屬近行  
尊者各一人承襲於是宗司擬定將諸王之後最長宗



室一名權令主管祀事閱時滋久逮今十國公位典祀之人闕員甚多楚晉秦魏祭享曠然以此知主祀之人或廢也望詔有司檢會前後已得指揮舉而行之庶幾益壯宗子維城之勢詔令禮部宗正寺討論申尚書省開具項下一切契勘起赴朝參南班宗室係一十七員目今止是一十一員令欲令大宗正司於紹興府行司南班宗室內選擇循守規矩無疾病可以起赴朝參之人具名申取朝廷指揮如不足亦乞於在外居住南班宗室內依此選擇施行一十國公位除商國公周國公越見有仲檄仲蟄權行主管祀事外有冀國公漢國公越國公雖元係子堂不世不數權行主管今未未知存亡

其秦國公昭國公楚國公鎮國公魏國公五位見闕人  
主管祀事今欲令大宗正司將逐位各推見在最長宗  
室一名權令主管所有子堂世世不數亦令本司再行  
取會詣實令於本位下別推最長之人權令主奉施行  
從之 十月十九日詔利州觀察使居閤特降一官以  
大宗正司言其太廟告遠祖宗神主不赴也 十一月  
十七日定江軍承宣使同知大宗正事士籤言自來宗  
室文臣參選並免銓試蓋祖宗優異宗枝別於庶姓總  
至渥也近有宗室不居近于係京官參選吏部告示令  
赴銓試若是本選去失指揮無可稽考自合申明通用  
選人見今免試條法竊恐後來成例欲乞自今後京官

參選許通用選人免試條法施行及武臣宗室昨因臣僚論列應任監當並不墮務亦非國家並用文武均惠戚跡之意乞依祖宗舊例仍舊注授釐務差遣如有願就獄廟宮觀者聽從便兼契勘宗子犯罪據所司根勘約法定斷得旨拘管或錄閑之人自有條法立定限取旨放免近來遇有拘管錄閑年限已滿之人有司又行看詳元犯情理再行展年如此則罰責尤重於異姓欲乞依祖宗舊制依年限取旨放免以彰陛下加惠同姓之德詔吏刑部看詳申尚書省逐部欲以初官宗室無出身如試不中及無免試恩例未應出官之人令比赴選人法不候年及三十如授官候滿三年年二十五許

行出官及宗室錄閉拘管監管之人除犯謀殺強盜十  
惡故燒有人居止之屋各罪至貸免或不至死所犯尤  
暴或醜惡及謀殺強盜十惡放火私鑄錢彊姦客人罪  
至流并殺牛馬徒以上經斷再犯者皆係情犯深重即  
難以便依常法取旨放從刑部參酌具申朝廷施行具  
餘罪犯欲依所請施行從之 二十三日南郊赦勘會  
行在紹興府孤遺宗子宗女宗婦等所請錢米微薄不  
可贍養可比附兩外司孤遺體例將見請錢米之人籍  
定名字如十五歲以上每月添支錢一貫米一石十四  
歲已下減半添支 十二月十六日禮部言准今年郊  
禮赦應宗子三經覆試不中依條合推恩據取應宗子

善輦

切韋

師孟師閔善攷公愿彥進叙陳並條三經覆

試不中年四十以上乞依條量材錄用詔並與補承信

郎二十九年四月七日太宗正司言禮部宗正寺討

論令本司於紹興府行司南班宗室內選擇可赴朝參

之人緣人數稀少難以選擇今於在外南班宗室有靜

江軍承宣使士嶷清遠軍承宣使提舉祐神觀不恤可

以赴赴朝參乞先次發遣從之六月十二日詔無官

宗子公彊

切古

特貸命令臨安府差人押赴太宗正司

庭訓訖拘管坐令百姓毆人至死故也七月十一日

禮部言奉詔安定郡王襲封令有司檢舉太常寺檢准

神宗熙寧元年八月手詔令中書門下考太祖之後以

屬近而行尊者一人裂土地而王之使常從獻于郊廟  
世世勿復絕 九月以涇州觀察使舒國公從式為彰  
化軍節度觀察留後進封安定郡王是時宗正言從式  
於諸曾孫在者為長故命之大宗正司引集燕王院宗  
室尊長保義郎伯果等狀左太中大夫權戶部侍郎兼  
提領諸路鑄錢令張係故世膺第二十八男見年六十  
一歲言行最長法當襲封從之 八月十四日崇寧軍  
承宣使安定郡王令張奏前此未有自從列而襲封者  
欲乞少加優異遇大禮奏薦及將來致仕遺表恩澤仍  
舊依權侍郎格例於文資內安排其應干請給并大禮  
生日支賜及公使拆洗食料等依行在東南班官幫行

舊請格例及出入接見投下文字依外官外拜宣借人數書表容司等請給欲乞並依前定安郡王令枚已得指揮施行從之 九月十日皇叔右監門衛大將軍成

州團練使士調言父光山軍承宣使仲深

而由自靖康

以後遇聖節大禮恩澤三十餘次未曾陳乞兼自宣和三年陞朝合理磨勘至紹興十七年方使過十周年轉行一官所有紹興十七年己前實歷過一十三年至今未曾收使乞依復州防禦使居厚體例及己未曾收使磨勘於見任官上特與轉行從之 十二月六日主管親賢宅所言復州防禦使居厚母亡合解官持服其本官身分請給依條曆內幫勘所有該遇大禮生日支賜

等乞依在京日南班宗室丁憂體例依舊放行從之

二十二日詔建寧軍節度使知內外宗正司士劉如過

生日特依士衍例取賜三十年八月十二日詔靜江

軍承宣使士燠赴朝參所有請給支賜等依士誥等

例支破十一月二十六日詔清遠軍承宣使提舉萬

壽觀士誥可權在內外任便居住請給及郊禮生日支

賜人從等只就行在勘支以病從其請也二十九日

詔華容軍節度使權主奉益王祭祀居廣合差破馬下

人從及生日取賜並比附士蠲體例施行居廣言士

蠲見差破抱竊祇應六人今乞差四人書表客司通引

官七人今乞差五人宣借兵士二十五人乞依例全破



其北笏祇應依例每月各添支茶湯錢一十貫書表客  
司各一十二貫益王影前書表客司各一人乞依例各  
人每月支破添給茶湯錢一十二貫文所有臣生日支  
賜乞依士輅體例取賜從之 十二月二日詔和州防  
禦使士歆與久任宮觀任使居住請給及郊祀生日支  
賜人從等就行在支勘以病從其請也 九日安德軍  
節度使同知大宗正事士街言本司所管南班宗室除  
宮觀任使居住外又士諳士歆因病陳乞內外任使居  
住行在勘支請給支賜等了當每日起赴朝參不及十  
員并每年五享三獻奏告朝拜行事委是輪差不行乞  
將見今在外隨侍南班宗室士穆并宮觀任使居住不

恤令所在州軍日下發遣赴朝參其請給支賜並乞依  
行在南班宗室各隨服屬體例所有士諱士歆請給却  
令在外勘支從之 紹興三十二年八月十六日<sub>年宗</sub>  
<sub>元</sub>及詔恭奉光堯壽聖太上皇帝聖旨右宣義郎添差  
權通判明州伯圭除集英殿修撰知台州母張氏特與  
依祿氏支破諸般請給

經進總類會要

宗室雜錄

隆興元年正月二十一日崇

慶軍承宣使新知大宗正事安定郡王令諤言宗子散  
居州縣皆仰俸廩累降旨揮令按月支給而長吏不切  
奉行欲望戒敕無至拖積尚或違戾許經臺省陳訴庶  
幾獲霑實惠不至他營抵冒法禁詔依 二十五日安  
慶軍節度使同知大宗正事士錢言宗司行移以官叙

高下列銜臣序位在全詔之上緣令詔係臣二兄乞依  
士儀例許臣列銜令詔下庶幾臣早有序不致踰越分  
守從之 二月一日士幾言方今邊場未寧調度尚繁  
為臣子者宜以體國為心臣合得請給於內生日支賜  
郊祀賞給銀絹例各千數最為優厚各乞權行減半候  
邊事寧日依舊合破抱笏書表客司乞於內權給客司  
一名宣借兵士雖已經減三分今乞於見存留七分內  
更減一分從之仍降詔獎諭 七日崇慶軍節度使提  
舉祐神觀士銜乞將見請郊祀生日支賜各減半昨任  
西外知宗差破宣節兵五十三人尚許依舊亦乞減半  
施行從之仍降詔獎諭 十五日岳陽軍節度使開府

儀門三司權主奉蓋王祭祀居廣乞將諸般支賜及差  
破使臣並權行裁減從之仍降詔獎諭十六日崇慶軍  
承宣使同知大宗正事安定郡王令詔言臣生日支賜  
郊祀賞給其數太優乞各行減半合破客司抱笏祇候  
於數內亦乞各減一名詔從之 七月八日右監門衛  
大將軍昌州防禦使提舉祐神觀不微言乞將所得支  
賜郊賞拆洗盡行住支逐月料錢米麥春冬衣絹欲乞  
隨臣官品減半詔除月俸春冬衣物減外餘並從之仍  
降詔獎諭 三月五日詔恭奉光堯壽聖太上皇帝聖  
旨秀王夫人張氏伯圭妻信安郡王宋氏應合得請給  
等令於所在州軍合發上供及經總制錢內按月幫勘

支給 七月二十一日岳陽軍節度使開府儀同三司  
權主奉益王祭祀居廣言主奉祀事幾二十年比多疾  
病乞差次長利州觀察使居閤權主祀事詔依居廣除  
萬壽觀使奉朝請 九月八日詔居廣權主奉後合奏  
免女兒數特與兩男補率府副率 十二日臣僚言宗  
室在法遇大禮聖節賜名授官其總麻親補率府副率  
袒免親補保義郎居廣係總麻親補出官補率府副率  
今其二男係袒免親亦補率府副率雖出陛下之特恩  
然恐起例者衆誠有未安袒免親而補環衛官其起例  
一也非大禮非聖節而特補官其起例二也權主奉而  
得補環衛官其起例三也權主奉而得之非權者又必

增加其起例四也居廣今已不主奉矣尚得恩數異時  
權主奉者託故而去又差權官則陳乞無窮其起例五  
也陛下今補二人官固不足惜異時源源而來無辭以  
卻之則今日之舉深為可惜故事雖有不得已於其遠  
屬引而使之迫者漢王之後至大觀間以其服盡無賜  
名授官之制貧乏困道不能自存遂降陞等指揮以盡  
均一之義固非特加於一二人者然猶以為未安乃續  
降詔止作一時指揮以杜板援之請則作事謀始不可  
不謹詔依 十一日詔軍恩南班宗室節度使與除檢  
校官仍加恩承宣觀察使加恩回授餘職止法人並加  
恩回授 十一月八日詔奉奉光堯壽聖太上皇帝聖

旨秀王夫人劄子專以子孫為請陳辭懇切兼聞伯圭  
在郡頗著政績可與轉右通直郎除敷文閣待制依舊  
知台州諸子有官人特與改合入官無官人並補承務  
郎合與官觀差違 吏部言伯圭子右迪功郎新太平  
州蕪湖縣主簿師夔合改右承務郎師龍師丞師高師  
禹師皋並合補右承務郎主管台州崇道觀二年二月  
二十四日伯圭言諸子年齒尚幼其次猶在牛角於祖  
宗舊法年及二十方許出官除長子師夔次子師龍年  
及合行出官其餘諸子欲候將來年及支破請給方理  
為資任詔依 二年正月二十五日詔武德大夫榮州  
團練使士芑換南班特授右監門衛大將軍成州團練



使六月十四日詔轉授和州防禦使依前右監門衛大將軍——乾道元年六月二十七日詔轉授福州觀察使並依士芑兄嗣濮王士勗所請 二月十七日詔同知大宗正事令詔知明州子滿於宗室文臣正郎武臣選郡以上各保薦堪任宗官者二人以聞 四月十五日詔洪州觀察使居厚轉行一官居厚言實歷磨勘一十年乞依士衍居中例轉行從其請也 五月二十九日詔岳州觀察使權主奉益王祭祀居閤轉行一官居閤言自靖康以來該遇恩澤三十餘次未曾補轉乞依居端居厚例轉行從其請也 閏十一月十一日皇帝少保靜江軍節度使判大宗正事恩平郡王璩言昨除開

府儀同三司判大宗正事指揮內依舊恩平郡王止是  
請給恩數依士儼例其恩平郡王前後已得指揮即無  
衝改緣主管所更不照應將元差人兵官吏等並皆裁  
減乞將恩平郡王前後已得指揮依舊施行并昨已得  
指揮依祿格支歲給錢仍乞改昨歲賜錢詔依 二十  
五日詔緣男賜名師淳特補武翼大夫遥郡刺史璩言  
臣有男年甫五歲寅緣近屬伏乞賜名從其請也 乾  
道元年正月一日敕勅會州縣寄居宗子等孤遺錢米  
累降指揮令按月支給訪聞州縣不為依期批勅致有  
失所未副惇睦之意仰監司常切檢察勸會行在紹興  
府孤遺宗子宗女宗婦等所請錢米微薄不能養贍可

比附兩外司孤道體例將見請錢米之人籍定名字如

十五歲以上每月添支錢一貫米一石十四歲以下減

半添支乾道三年十一月二日六年十一月九日赦同十三日崇慶

軍承宣使同知大宗正事安定郎王令詔言依格任宗

官每一歲子孫選郡刺史以下減二年磨勘昨自南渡

後任宗官子孫服屬稍遠多無任選郡刺史以下之人

其前官令應子孫皆係文臣已蒙依所乞收使今令詔

子孫亦係文臣欲望特與收使詔依令應制特許同授

二十三日詔令詔與換文階特授左太中大夫充敷文

閣直學士知紹興府 二月二十九日明州觀察使提

舉祐神觀權主奉吳王祭祀居端言伏為係英宗皇帝

三世孫總麻親昨差權主奉吳王祭祀居端言及脚膝之疾已蒙除在京久任宮觀近年疾勢愈增乞降一在外久任宮觀台州居住其合得請給就本州幫請生日大禮支賜依士歲等例於行在幫支見權主奉吳王祭祀乞令親姪保義郎多才權行主奉詔並依三月四日洪州觀察使同知大宗正事士銖言宗官宣借兵士合差破二十三人書表客司每月添破茶湯錢十二貫抱筴祇應每月添破茶湯錢一十貫其抱筴祇應闕人許踏逐辟差欲乞並依士銖令詔已得指揮施行詔依五月一日禮部言安定郡王令詔已換文階知紹興府大宗正司引集宗室以序合襲封安定郡王係武德郎

主管台州崇道觀令德詔令禮部檢照典故討論取旨  
七月二日詔故洪州觀察使居厚係近屬宗子宜優恤  
其孤可自今每月支錢五十貫米十石候本家有人食  
祿日住罷 二年九月故宗子居仁三年三月故宗子  
居闕孤遺詔依此 八月十二日敕應宗室合堂除不  
釐務人令三省樞密院精加銓量如委有材能特與釐  
務差遣七年二月十日敕同十二月九日詔右監門衛大將軍  
和州防禦使士穆特降授楚州團練使判大宗正事恩  
平郡王璩言士穆丁憂祥除不遵指揮回司尚留福州  
恣行兇暴若不懲戒切恐其餘南班遞相視勸難以鈴  
束乞將士穆先次降官令所在州郡差使臣兵級管押

赴司以為宗屬欺上慢下之戒故有是詔 二年正月  
二十六日禮部言左朝奉大夫知南外宗正事不猷言  
竊見諸州差見任宗室充尊長謂之尊屬司不過檢察  
偽冒請受而已至於違犯法令者莫敢誰何乞將宗子  
應有負犯除大宗正司及西南二宗司各於置司處專  
一鈐束外其餘州縣並聽本州尊長量行訓治本部令  
勘當除宗子所犯情理深重違已降指揮取旨施行其  
情罪輕者令本州見任尊長依法訓治詔依 三月二  
十四日臨軒唱賜進士第汝愚初為第一以宗室有官  
降居其次仍賜第一人恩例 四月十五日常德軍承  
宣使同知大宗正事士銖言臣筋力不逮乞依士輅例

特與出入南北門免諸處行事起赴六參起居詔依  
五月十二日詔恩平郡王璩妻王氏特進封澤國夫人  
諸般請給生日時服等並與依慶國夫人新氏內東門  
司給厝下紹興府幫助錢米並於經總制及湖田米內  
支給 六月十六日詔右監門衛大將軍和州防禦使  
士秀特與轉正任防禦使 判大宗正事恩平郡王璩  
言士秀服勤儒學恪遵禮度閨門孝友終始如一月俸  
常惠不給而安於分義近屬之賢實鮮其比欲望特與  
進秩一等以為宗室之勸故有是詔 三年四月五日  
士秀知西外宗室事替子英亦璩所請 十一月十四  
日詔居廣令起赴前後殿六參起居仍與免差諸處行

事 三年四月十三日故秀王夫人張氏言長孫右承  
奉郎主管台州崇道觀師夔次孫右承務郎前主管台  
州崇道觀師龍第三孫右承務郎主管台州崇道觀師  
垂欲望特與添差差遣一次親姪張宏乞於右選內安  
排詔恭奉光堯壽聖太上皇帝聖旨師夔除直秘閣添  
差台州通判仍釐務師龍添差湖州簽判師垂添差秀  
州簽判並不釐務張宏特與補保義郎 五月十九日  
詔金州觀察使濮王位檢尊尊長士訓特與轉保信軍  
承宣使 同知大宗正事士殊言訓實歷十年合該磨  
勘故有是詔 八月二十九日皇叔祖華容軍承宣使  
提舉隆興府玉龍觀士洪言已依指揮令久任宮觀紹



興府居住比來愈衰伏乞依舊久任宮觀任便居住請  
給衣賜並乞於所在州軍幫助詔依 九月二十四日  
皇弟少保靜江軍節度使判大宗正事恩平郡王璩言  
恭遇陛下薨屆聖聖而又禮部講郊天臣職總宗盟戚  
預近屬欲乞隨班上聖且厠陪祠之列詔從之 四年  
九月十九日璩亦有請詔依 四年十一月四日詔璩  
除少保恩數與依昨除使相已得指揮施行 十二月  
六日詔恭奉太上皇帝聖旨秀王夫人長孫師夔特賜  
紫章服 二十六日詔右千牛衛將軍士矩特轉右監  
門衛大將軍 皇叔祖宣州觀察使提舉祐神觀士啟  
言該遇覃恩合轉一官殿止法回授與親堂弟士矩從

之五年二月二十二日詔右監門衛大將軍士矩特授新州防禦使右千牛衛將軍士忭特授右監門衛大將軍楚州團練使右內率府副率士恭特授右監門衛大將軍榮州刺史吏部言已降指揮士矩士忭士恭並與換元舊南班官其任外官日歷過磨勘轉官特許以兩官比換南班一官收使故有是詔四月一日詔左宣教郎主管台州崇道觀師訓召赴都堂審察左承議郎提轄行在權貨務都察場善俊左之林郎知臨安府仁和縣祐之並候任滿召赴都堂審察從同知大宗正事士銖所請也九月十八日詔右監門衛大將軍榮州刺史士恭特授楚州團練使士依前右監門衛大

將軍以兄武當軍承宣使知濮安懿王園令事士程該

章恩礙止法回授從其請也 十九日詔不輟特與除

直秘閣以父檢校少保安慶軍節度使同知大宗正事

士幾遺表來上從其請也 十二月十日敷文閣直學

士右承議郎知明州兼沿海制置使伯圭言長男師夔

見任台州通判次男師龍見任湖州添差不釐務簽判

令各相次任滿欲望許令再任一次詔恭奉太上皇帝

聖旨可從所乞 六年二月二十九日光州觀察使安

定郡王令德言昨經外任有厯過月日自襲封後通理

十年兼依令於例合該磨勘詔特轉定武軍承宣使

五月十八日皇叔祖均州防禦使士恣言實厯十年合

該磨勘詔特轉隨州觀察使

五月二十八日常德軍

承宣使同知大宗正事士銖言安定郡王令德乞立班  
在臣下臣竊謂朝廷莫如爵鄉黨莫如齒臣年雖長及  
叨冒宗官然令德係是襲封郡王於臣分守有所未安  
欲望依官序令臣立班在令德下詔依令德所乞

五月六日臣僚言勘會南班宗臣自太子右內率府副  
率至正任承宣使十階並用十年磨勘轉行一官至觀  
察使取旨施行近來南班有礙止法者往往回授近屬  
作一官轉行顯是太優欲望特降指揮如有回授止與  
改給減十年磨勘其承受減年人若該磨勘即照應隆  
興二年三月二十三日指揮對用實歷改轉施行詔依

二十八日詔士銖久司屬籍特授奉國軍節度使依前  
同知大宗正事 六月二十八日奉國軍承宣使提舉  
台州崇道觀士泰言年老多病伏乞依士衍例任使居  
所有合得請給依已得指揮於所至州軍經總制錢支  
給詔從之 九月十九日奉國軍節度使同知大宗正  
事士銖言保信軍承宣使濮王位檢察尊長士訓老病  
本房並無子孫今本位堂弟士恣第三孫欲與士訓為  
孫承繼契勘昨在京日有周王宮宗室允初為無嗣將  
漢王宮宗魯幼男仲述為孫今來士訓士恣係同宮本  
位委是昭穆相當詔依 七年正月二十七日詔歸正  
趙不駱特與補正承信郎添差合入差遣候本人召到

知識保官委有干照方錄玉牒 八月二十二日同知  
大宗正事士銖言故左朝散郎彥增妻安人元氏狀故  
夫兄彥堪將第二男寬夫過房與故夫彥增承繼緣彥  
堪及夫彥增相繼身亡未曾陳乞附籍契勘寬夫係彥  
堪之次子即非嫡長與彥增為嗣昭穆相當伏望許令  
寬夫過房彥增為後詔依 九月二十五日同知大宗  
正事士銖言定武軍承宣使安定郡王令德薨藝祖之  
後襲繼祠事不可久闕欲望下有司襲封施行詔依  
十月六日詔皇帝少保靜江軍節度使判大宗正事恩  
平郡王璩改判西外宗正事 是日詔紹興府大宗正  
行司可併行在大宗正司見任并已差下官屬並依省

罷法 十一月三日恩平郡王璩言已除醴泉觀使任  
使居住乞依舊於紹興府居止見今差破官屬諸色人  
從請給恩數并生日取次等並乞依恩平郡王前後已  
降指揮施行要澤國夫人王氏及見差破官屬人從諸  
般請給歲賜米衣賜時服等依舊於紹興府支給詔依  
十六日詔隨州觀察使知西外宗正事士秀提舉隆興  
府玉隆觀任使居住其士秀并兒女合破人從請給許  
於所在州軍支給 二十二日詔今後宗室遠郡以下  
如遇請假止令申閣門 八年五月七日詔居廣生日  
支賜依士輅已得指揮——二年七月十二日嗣濮王士  
輅言叨冒襲封每歲取賜生日伏乞今入內內侍有依

舊全支取賜詔依

六月三日詔武德郎主管台州崇

道觀令揔除金州觀察使襲封安定郡王 十二日詔

恭奉太上皇帝聖旨右宣教郎直秘閣知徽州師憂除

直徽猷閣

十二月十三日成忠郎權主管吳王祭祀

多才奏乞比換官吏部詔對多才元係祖免親陞作繼

麻親換官格法合比換太子右內率府副率於階街上

帶皇姪二字詔依

九年閏五月十日知明州伯圭言

詔客周瑩又從先臣且教導臣子欲望特降指揮補文

寶恩澤詔恭奉太上皇帝聖旨特與依士銖例依祿格

全支本色仍免折支

八月一日詔秀王孫右承事郎

添差權通判婺州師龍右承奉郎添差權通判平江府



師垂並除直秘閣差遣如故 十月十八日詔皇帝少  
保靜江軍節度使克醴泉觀察使恩平郡王璩已賜玉  
帶金魚許令繫赴朝參 十一月二十五日璩言長男  
師淳特蒙錫以訓名寵以官職今來師淳年齒寔長欲  
望量加寵爵及臣次男七歲乞依師淳訓名命官詔師  
淳特轉忠州團練使次男賜名師灝特補武翼大夫

紹熙宗室雜錄

淳熙十六年二月四日登極赦赦應宗子見入道或為僧

願歸家者聽元有官封者依舊 四月六日大宗正司

言不字南班宗室合行繫帶皇叔祖安定郡王子彤擊

帶皇伯祖士韶士峴仍舊繫帶皇叔祖從之 十七日

詔皇姪耀州觀察使嘉國公食邑五百戶食實封貳百

戶柄特授永興軍承宣使進封許國公加食邑五百戶

食實封貳百戶應諸般請給生日等可並與依祿格全

支本色 六月一日新授華州觀察使知大宗正事不

黯奏轉授之初循例合破書表客司殿侍人從并諸般

請給生日大禮歲賜公使錢等乞依見今全給將來遇

郊奏薦亦乞比視文臣官序施行仍乞自後準此從之

八月十三日詔無官宗子量試如給到降生公據或

見請孤遺錢米之人與免召保令本處宗室尊長保明

從州郡給據赴試 紹熙元年正月二十八日詔成忠

郎多功特與補太子右內率府副率仍繫帶皇弟二字

以多功言居字行位下各有男換授南班獨先父居仁

拉未露恩需乞從例比換請給人從添給生日支賜等

亦乞依則例支 二月五日大宗正司言無官宗子依

破故有是命 赦量試內有無年甲子照未曾召保人乞照紹興三十

二年指揮若引試前執到官司赴試公據許令先次引

試候俟畢從禮部將合格名字具所屬州軍三代牒報

本司行下取會勒令召保別無詐冒即與放行推恩若

有虛偽詐冒依已降指揮斷罪從之 二十八日太宗

正司言為宗室增立到字行 翼祖皇帝下繼字子欲

連大字從上太祖皇帝下孟字子欲連作由字從上太

宗皇帝下良字子欲連作友字從上魏王下若字子欲

連作嗣字從上親賢宅自字子欲連作甫字從下華宅

中字子欲連作孫字從下從之 四月七日將仕郎公

撫奏乞免試參選吏部勸會公掄因捧表推恩補將仕

郎曾請到江西漕司文解乞照應奏補宗室曾經應舉

得解與免試放行參選從之 九日詔應命官同國姓

與宗室連名相犯之人令經所屬陳乞改避所有宗子

如無立名公據經所在州軍陳乞保明申所屬出給限

半年四川二廣限一年經所在州軍陳乞如仍前不曾  
給到公據不許參選州軍並不得放行請給經由官司  
去處人吏違滯從條科罪令禮部具條式下諸路州軍  
遵依施行 五月二十六日詔今後宗室身故委四鄰  
依五保法報所在官司即時拘收降生文帖申州批鑒  
身亡日月本州類聚季申禮部行下<sup>大</sup>宗正司兩外宗  
司照會州軍奉行不虔監司覺察聞奏當議重作施行  
先是三省言諸州縣間有不逞之徒收買宗子身亡降  
生文帖影射作過故有是命 十月二十七日詔信王  
據長男師淳轉一官仍換南班第三男師淪落階官第  
四男師路帶行遙刺 二年十一月二十七日郊祀赦

行在及紹興府見請孤遺錢米宗子宗女宗婦等其間  
有未曾引叙添支錢米可比附兩外司孤遺體例籍定  
名字將十五歲以上並依前叙例添支十四歲以下減  
半給添 三年八月六日戶部言忠訓郎特添差監權  
貨務都茶場不釐務不嘈人從請給等依多述不耽例  
全行支破準紹興四年指揮內外應添差官除本身料  
錢衣賜外其餘添給等並減半支不嘈係添差之官竊  
恐攀援不已詔除人從更不支破外餘依已得指揮  
十四年宰執進呈嗣秀王伯圭言乞量復宗室添差員  
數上曰諸郎員數已經減罷若行再復恐州郡費力兼  
每州復得一員亦不濟事又進呈乞置宗學留正奏云

每番宗官須理會這一事他要給五十頃田卒急亦無  
許多田應副上曰記得不點亦曾理會有司相度得難  
行不若已之 四年六月四日故吳王主奉多才遺表  
奏弟多藝多見乞依例比換南班妻令人高氏封碩人  
男二人自字行依多字恩數見破人從存留候服闋日  
發遣致仕恩澤併乞施行詔並從所請男二人各為年  
小候官別取指揮 以上光宗會要

全唐文

經進續總類會要

宗室襲封

各渡秀二王見本門

慶元元年十月十六日詔忠肅郎

子恭除利州觀察使

嘉泰二年七月九日詔子觀除

金州觀察使

四年十一月十三日詔伯柵除宜州觀

察使

嘉定元年十月十四日詔伯祝除福州觀察使

八年十一月一日詔伯澤除潭州觀察使 已上襲

封安定郡王

十二年八月三日臣僚言竊見國家襲

封王爵主奉祠事從獻郊廟所以崇德廣恩羽儀磐石

非特示一時之恩寵而已嗣秀王屬族既近班位自高

以序受封固無可議獨嗣濮安定郡王近年以來率自



下僚例行承襲且多癯老疾病不能起跪至有賜履在列竟未嘗一覲清光而越朝謁者照得元降雖有擇年高行尊之文然高宗皇帝朝儀王仲湜以德望俱隆越仲琮而選拜武德郎士勣次當襲爵以其官卑乃命士儀權奉祠事越十六載始正士儀之封則斟酌劑量又在宸意初不拘一定常行之例也今若專以德望為選則又恐啟爭奪之風初經營之路謂當參稽中制自後允嗣濮王安定郡王有合該封襲之人先行下寄居州軍審驗委堪拜跪即與保明申上仍津遣至宗司鈐量繼赴都堂審察閤門引見奏事訖然後取旨除授或序當承襲本州宗司見其不能拜跪與特轉一官及一子

恩澤文武隨資以華其老邵於以次人內更行選襲庶  
幾尚年尊德之典並行奉先睦族之意增重從之

授 紹熙五年十月二日詔朝散大夫新知南外宗正

事不遡特與換右監門衛大將軍濠州團練使權知大

宗正事是年十一月不遡言蒙恩換校合破書表客司

等乞依不意等案所指揮依已降指給兼元係文官序奏為

施行臣年及六十無依尚書格差破餘依所乞閏十

月三日詔師淪與換南班轉正任眉州防禦使該遇重

慶元元年正月二十一日詔忠訓郎多謨特與換太子

右內率府副率其生日支賜請給人從並依見今南班

官則例支破以教皇太子右監門率府多福妻徐氏

奏親賢宅吳王益王所兩師南班宗室在

紹興隆興以朱有居寅等二十餘員皆是使相節度使  
小者永宣觀察使不敷年間相繼不獲今兩宅止有七  
多不等十七八員近年以來相繼不獲今兩宅止有七  
八員委是官小員闕日就零落望即近屬從其請也

十月一日詔忠訓郎不嗜特與換授率府率令赴朝

參其請給生日吏賜人從等依不諤等前後已得指揮

施行以大宗正司言不善侍父十二日詔希楙候服闋

年及日陳乞比換南班先是皇叔寧遠軍承宣使提

舉佑神觀師淳上遺表乞與男希楙換授右千牛衛將

軍故有是命十二月四日詔朝散郎善下特與換石

監門衛大將軍遥郡刺史服闋日與本京宮宮差遣仍

奉朝請嘉泰元年三月十四日詔保義郎自牧為係

英宗皇帝近屬特與比換南班填多見身故闕其請給

人從生日支賜添給等並與依見今南班則例支破

開禧二年十一月五日詔朝奉郎直秘閣新權發遣台

州師岳奉議郎新添差通判衢州師彌通直秘閣新添

差通判臨安府師貢並係崇王諸子理宜優異師岳可

特換授忠州防禦使師彌換授忠州防禦使師彌換授

和州防禦使師貢換授均州防禦使 三年三月二十

三日詔師皋次男希恆與依兄希閔例換授將軍免赴

朝參應干請給等依兄希閔例支破 嘉定二年七月

六日詔修武郎前特添差東南第三副將不釐務不還

特與比換南班以不退言先父士任監門衛大將軍權

正使張子正中差得疾瘠今已士任竊見張孝曾因

奏使回程身執蒙恩更特與特子恩澤乞特臣所得添  
差恩數比附特與臣比換南班仍權令主奉周王孫祀  
也十四年五月二十二日詔不燒行尊年高中外屢更

事任自為司農卿今已十二年理宜優異可特換授保

康軍承宣使提舉佑神觀仍奉朝請特賜金帶一條許

令服繫不燒元係奉直大夫直寶二十八日詔不燒屬

近行尊理優異特與換授和州防禦使提舉佑神觀仍

奉朝請不燒元係奉直大夫八月十一日詔伯檜善踐

行尊年高中外屢更事任並特與換授觀察使在京宮

觀仍奉朝請伯檜元係朝議大夫新除大理少卿除楊

少卿除大理少卿除楊同日中書門下省言太祖皇帝下燕

王秦王位宗室見今起赴朝參立班負數極少詔希復

特與換授新州防禦使希館特與換授右監門衛大將

軍吉州刺史並令提舉佑神觀師塞希瑋與莒並特與

換授右監門衛大將軍師註師賑並特與換授右千牛

衛將軍仍並令奉朝請希館元係朝奉郎史部郎中希

權工部郎官師塞元係宣義郎大理寺丞希瑋元係宣

敬郎將作監丞與莒元係東義郎師註元係忠朗郎師

忠朗郎閏十月月十三日詔朝散郎希模屢任繁難差

遣曾經作縣資歷已深又係秀安僖王近屬今乞換授

南班理宜優異特與換授右監門衛大將軍吉州刺史

特差提舉佑神觀 二十三日都省言宗室正任見今

起赴朝參員數尚少師塞希瑋皆係進士出身曾任寺

監丞理宜優異詔師譽特除文州刺史希瑋特除雅州

刺史並提舉佑神觀 補官 嘉定十四年六月二十

二日中書門下省言燕王優卹 十一月十八日都省

言宗室正任防團見今赴赴朝參一班止有二員詔希

館除成州團練使仍賜金帶一條許令服繫赴朝參

請給 紹熙五年七月七日登極赦文訪聞宗室見

請孤遺錢米之人緣縣道闕乏多有拖欠自今赦到日

並改就逐州按月幫支自後明堂九月十四日明堂赦

勘會行在及紹興府見請孤遺錢米宗子宗女宗婦等

其間有未曾引赦添支錢米可比附兩外司孤遺體例

籍定名字將十五歲以上並依前赦例添支十四歲以

下減半添給自後明堂嘉定五年二月十三日宗正寺

郊故並同

主簿陳阜言臣觀仙源圖籍宗藩慶系等錄仰窺三祖  
下流派枝葉之茂昉分彪別日益歲增其已訓名者動  
以萬計而未訓名者不與焉蓋祖宗時宗室尚少率皆  
養之宮院逮熙寧漸至繁衍始聽外補渡江以來萃之  
東南訓名給廩既為費力而孤幼貧乏錢米尤未易得  
通者宗寺已嘗申畫訓名事宜陛下既俞其請天族均  
受其賜獨請給一事其弊已久考之令甲宗室袒免外  
兩世祖父又俱亡無官雖有官而未釐務各貧乏應計  
口給錢米孤幼無依倚或貧乏者不限世數又復量其  
歲數定為給賜之格令甲昭然而州縣艱阻扼以猾吏  
困以抱券之夫大率一名之給為費數十千遲回數月



僅乃得之是以雄藩巨屏拖閣不支壯邑小縣抑遏愈甚儻不嚴行戒勅將見日益月滋腴弱元氣虧損大體望賜睿旨應所在宗室合得孤遺請給即與照條幫放州縣不得阻抑及容吏胥抱券等人乞取州委通判點檢路委監司覺察庶幾洪行葦忠厚之實厚之實厚葛藟本根之訖從之 十年六月二十六日都省言兩聲稍愆見行祈禱訪聞州縣有宗子宗婦宗女因事被州縣長吏住閣月請孤遺錢米之人多者一二年少者三數月州縣利於減省支費不與放行有一名被閣全家狼狽者州縣不惟違戾按月支給指揮殊失朝廷親睦之恩有傷和氣合議施行詔令大宗正司及西南兩外

宗司行下州縣契勘如有住閣錢米之人日下並與施行十六年五月四日臣僚言宗室隸于行都者月給料錢數三千視外主事視外郎幾半其倍以皇族稍近而獨厚之彼日用所資於此取給分文以上不容有虧而管行吏給與抱請人互相欺掩幫支之際輒於逐人名下減刻五百怯懦宗子隱聲受抑而莫能與爭宴衣艱食而弗敢陳訴以公家之厚費以公家之厚費飽吏欲之營私輦轂之下且猶若此散而州郡將何如乞下大宗正司索上簿歷究問所減錢數吏輩刻取重作施行自今每遇散錢並須先期逐項點對不許分文減刻仍委丞佐親往監視各令宗子正身到官照歷交付從

之恩賜 嘉定十四年七月二十日詔今後宗室節  
度使帶嗣郡王國公及檢校官並許佩魚 十月十八  
日詔瑞慶聖節集英殿賜御宴令南班宗室大將軍赴  
座所有上壽茶酒今後令率府副率以上並赴座 二  
十六日詔燕王宮冀王角位故修職郎福州永福縣尉  
希璪令戶部支賜銀絹二百匹兩妻金氏封安人男與  
芮特補迪功郎 十一月十八日都省言宗室正任防  
團見今起赴朝參一班止有二員詔希館除成州團練  
使仍賜金帶一條許令服繫赴朝參 卹孤 開禧  
元年五月二十三日詔英宗皇帝二世孫安邵最為近  
屬昨在軍前深可憐憫累該奏薦子孫恩澤可將已陞

等見主祀長孫多藝依居端等例特與轉行一官以示  
優卹 嘉定六年二月二十七日臣僚言竊見令甲所  
載孤幼財產官為檢校注云並寄常平庫所以愛護甚  
至隄防甚密矣民間孤幼貴在州縣其家於鄉村者縣  
之專責應辦窘迫苟且目前罕不於此移借西南兩外  
宗子孤幼貴在宗司宗司自行拘收吏輩既因以侵欺  
用度務侈遂視為公帑之儲且其在孩提之時不能自  
有其有而委之官須其及令而歸之謂不啻局鑰之固  
至於執券就索以歲月久遠拒之否則婉辭以款之十  
或不能還一二彼其初籍之已有利之之心蓋自籍而  
至於給還近亦不下十載而居官不過二三年為任前

者以非我給還而敢於用後者以非我移用而吝於還  
縣令如此甚非父母斯民之意宗司如此其亦盍以公  
族枝葉為念乎乞詔戶部行下州郡毋容縣道互用民  
閒孤幼寄庫財物今後有法應檢校之家其財物並拘  
椿本縣常平庫西南外宗司令大宗正司行下兩司如  
有孤幼宗子合檢籍者移文於寓居處本州施行亦寄  
常平庫西南外宗司令大宗正司行下兩司如有孤幼  
宗子合檢籍者移文於寓居處本州施行亦寄常平庫  
如拘椿之物及續入地利並須簿歷分明收附月委官  
點檢具申大宗正司庶幾給還以時宿弊可革從之  
訓名 嘉定八年七月二十三日詔皇從弟承宣使楷

改名思正皇從姪觀察使均改名貴和先是侍御史石宗萬言竊惟先王之制禮其於名分之際至嚴也蓋尊卑之有序上下之有等貴賤之有殺截然不可紊至於一器用之微一服飾之末猶且嚴為之主而況族屬之親疏名稱之同異可不謹其別乎是故嫡庶之辨大宗小宗之分聖人於此尤致意焉誠以示等衰之制防僭擬之萌不得不然別嫌明微其意深矣恭惟藝祖皇帝友愛天至凡諸子行之賜名俱聯德字至太宗繼統禮文浸舉漸以區別諸王皆聯元字而諸姪仍聯德字為從兄弟而不得聯名豈非以宗廟之重貴於有別歟真宗諸王皆從示傍而諸王不惟不敢聯且皆複名以

為別自時厥後遂為典故商王楚王周王真宗之親弟也其子悉聯允字燕王秦王真宗之從弟也其子則聯惟字蓋親弟之子與從弟之子又有別焉神宗諸王皆從人傍而吳益二邸實聯孝字至於諸孫則又視其戚疏從而派別聖朝家法宏遠深長質諸三代而無愧臣愚妄論今日竊有疑焉承宣使摺於屬為從弟乃得與御名俱從手字觀察使均於屬為從姪乃得與皇太子俱以一字名恐非所以崇至尊重國本也雖陛下崇睦親族務從過厚然祖宗成憲俱在所當遵從欲乞下臣此章令禮部宗正寺討論以聞從之既而朝奉郎宗正丞兼權刑部郎官吳格等討論照得摺係是皇從姪與

傳是皇統

皇親弟單名者事體不同兼才手偏傍尤不能無嫌臣僚所請改正誠為允當但是檢出紹興三十年立孝廟為皇子詔書明言係藝祖皇帝七世孫若從藝祖皇帝之後合聯希字然在禮入繼大宗者只從所繼服屬父既從所繼服屬則生子若孫雖不為父後亦無緣歸認本家服屬若以此論則係太宗皇帝之後合聯崇子必字聯立雙名自是無疑而所聯之派莫知所從此外又更討論先朝旌姓有昭穆同而字號同者有昭穆而同字號不同者又所以銖銌辨親疎別嫌明微也如英廟之繼仁廟亦猶孝廟之繼高廟也英廟生神廟及吳益王之子實聯孝字孫實聯安字濮邸而下聯士字者與孝



字正同行聯不字者與安字正同行雖然同行而所聯之字又字不同今若倣此別立一字庶無形跡兼有故實可援然格等人微識淺亦未敢指以為定謹以三說開陳於前更在斟酌施行禮部看詳臣僚欲謹名稱之別宗寺欲致親疎之辨二議所陳理須改定蓋以今皇從弟從姪之名乃與至尊儲禁名字偏傍相犯似非累朝故事有失別嫌明微之義若以宗姪昭穆而論孝宗皇帝實繼高廟正統則莊文暨魏惠憲王子孫只當從太宗之後叙聯昭穆若連崇字必字則太示疎遠驟為更革於義未安今來乞用吳王益王以孝字安字為名故事酌親疎之宜權輕重之義別立名今字與宗屬之

疎者稍有差別上遵祖宗之制下示親親之義則於理  
於情皆為允當詔令宗正寺擬撰字號并賜名申尚書  
至是本寺擬撰到思貴乃如延五字學士院看定故有  
是命 八月十三日大宗正司言樞密院編修官趙崇  
朴申請宗子年長四五十歲不曾訓名父無名籍子無  
訓據乞行下諸路州縣明示年長未訓名宗子許日下  
經所屬陳乞保明具申本司檢準在法宗室降生限一  
日報所屬限一季陳乞立名以革偽冒之弊自後宗子  
間有不遵條令過降生兒男或不照應條法陳乞或討  
覓外姓男女一時扶合廂隣只經州縣出給降生及自  
立私名亦不陳乞訓據遂於嘉定五年內立式中明今

後宗子降生男女仰具三代家狀聲說其父曾不訓名  
係第幾男實排行第於何年月日在甚處廟界防巷生  
長收生老娘抱育人同本家尊長共狀結罪保明召承  
信郎或廸功郎保官一員所在州軍廂隣次第勘驗委  
無偽冒批書保官印紙保明申司置籍出給降生文帖  
如有自獲指揮之後續陳乞者亦照格式施行方與給  
據行之許久頗華前弊所有宗子訓名亦照已得指揮  
占偏傍避諱牒報宗正寺訓給二者並是見行遵守於  
今申請明示年長未曾訓名宗子經所屬陳乞保明具  
申雖見念及宗子免使因而流為外姓竊慮偽冒之人  
乘時得以影射妄作年長陳乞脫漏訓名本司今措置

如有似此年及四五十未曾訓名宗子亦照前來格式仰同本家近親尊長重結罪名委保陳乞仍具夾細家狀擬占偏傍避父祖名諱令召或文或武陞朝官一員委保經所在州軍陳乞本州軍亦照見行指揮取索降生干照委官點對如前次第勘驗委非過房討養異姓兒男結立罪賞批書保官印紙記保明繳申出給訓名如陳乞之人父祖已亡失於陳乞訓名以致宗寺不曾該載屬籍即乞就與添注從之 十六年正月十九日臣僚言仰惟祖宗睦族超越前代宗室之始生也有降生以紀其實既長也有訓名以示其別分潢析派整有倫今日本吏蕃衍視昔蓋數十倍降生訓名法非

不備然富者十不一二貧者不啻七八彼其經營一據  
自縣保明至于州然後上之宗司道理往來費不知其  
幾所以家貧無力者每不暇訓名甚而降生有據亦未  
必盡由宗司陳給存亡之數在宗司且不得盡知名稱  
之誤在宗寺亦安得盡筆臣嘗見近日奏牘有以澤夫  
為名者考其三代則父名柳夫若此舛訛往往非一矧  
名既得不訓則他日應試變易冒濫豈無以一人而計  
會兩降生據而冒二人之試者乎又豈無兄弟同試而  
遜一得於文筆優長之人者乎蓋本名無定則虛實難  
稽其勢固應爾也乞申飭大宗正司遍牒所在州軍移  
文各處尊長司凡宗室不問寄居見任其未經宗司出

給降生與年及五歲而未經訓名者限以半年並無勘  
會著實類聚申上宗司次第出給公據所有召保批書  
等事悉準舊制仍令宗司著為定令每三年一次檢舉  
施行庶幾振振之盛無不登名宗牒而冒濫應舉之風  
亦可少革從之 賜名 慶元六年十一月一日詔宗  
子與愿改賜名曦特除福州觀察使令就資善堂授書  
詳見資善堂門嘉定十四年八月二十七日御筆皇姪石監門  
衛大將軍與從呂可改賜名貴從言除果州團練使十  
五年轉邵州防禦使 承繼 嘉泰三年九月七日詔  
莊文太子繼嗣未立朕每以為念宗子希堦可改名楷  
令為嗣補右千牛衛將軍 十七日禮部太常寺言莊

文太子繼嗣照典禮合行祭告行禮官差奉官都監一員太祝

一員並於前一日絕早赴莊文太子櫛宮致齋行禮祝

文一首下學士院修撰從之開禧二年五月一日皇

弟少傅昭慶軍節度使吳興郡王柄奏臣不善衛生浸

成綿痼之疾念臣年愈三十有子不育堂有老母何以

自慰而先臣香火之奉亦遂孑然伏望矜念於近屬中

擇昭穆相當者一人與臣為後庶幾嗣續有傳存沒不

朽從之同日詔宗子希翌長男令繼沂王後賜名均

與補右千牛衛將軍差置小學教二員以太保沂王

王初置小學難例施行每年於內藏庫請降教官以下

字供餘文字等就太保沂王府講堂見存留人在府接

續祇應任請給年勞酬賞等依前後已得指揮施行

嘉定八年八月五日詔皇從弟思正仍舊為莊文太子  
府皇從姪貴和仍舊為魏惠憲王府 十一年十一月一  
日禮戶部言判大宗正事嗣秀王師禹奏故武經大夫  
浙西兵馬都監趙希古妻與本位尊長通直郎新通判  
太平州趙希永議乞過房同宗下宗子希澂第三男與  
侄為希古繼嗣逐部勘當委是昭穆相當於見行條法  
別無違礙從之 十四年七月一日武翼郎趙善潛言  
昨者先兄善拊得蒙換授南班以繼昌王之後不幸在  
任身故欲望陶鑄抵替名闕庶幾衰宗墜緒致孤絕  
詔善潛特與授右千牛衛將軍仍令赴朝參 五日  
禮戶部言奉議郎前權通判太平州趙希永并本位尊



長保康軍承宣使提舉佑神觀充秀安僖王園令本位  
檢察尊長師彌狀保明議定過房同祖下宗子希植第  
二男乳名雙哥與希永爲嗣逐部勘當所乞過房委是  
昭穆相當應得見行條法別無違礙從之 雜錄 紹  
熙五年七月七日登極赦應宗室犯請到文解並與推  
恩仰有司照應淳熙十六年體例條具取旨同日赦應  
宗室無官人依淳熙十六年二月四日赦與量試推恩  
令有司照應已行體例條具取旨 同日赦宗子見入  
罪見鎖閉監管拘管人並放逐便內情重具元犯取旨  
同日赦宗子見入道或為僧願歸家者聽元有官者  
依舊 二十九年詔皇弟許國公婦俞氏與封咸寧郡

夫人依宮人祿式支破諸般請給慶元四年七月九月

十四日明堂赦文應宗室犯罪元係情理重與減作稍

重與重減作稍輕稍輕減作重自後明堂同日赦應宗

室犯罪永鎖閉永監管拘管之人令西南兩外宗正司

具元犯輕重及有無悛改結罪保明申大宗正司具奏

取旨餘鎖閉監管拘管者可特與減一年理為放免年

限已經展年人令逐司結罪保明申大宗正司檢照元

犯合行放免自後明堂同日閏十月二十一日詔比來宗室

在朝者少可令兩省臺諫侍從各舉有文學器識者二

人以備選擢嘉泰四年二月詔莊文府小學教授以

秘書省校書郎朱質軍器監簿留駿兼開禧二年三

月詔皇弟楷除忠州防禦使赴朝參莊文府小學以  
莊文府講學為名教授銜內除落小學二字 五月十  
四日皇叔祖和州防禦使新差知西外宗正事不格言  
竊見文武臣僚自陞朝以上遇大禮皆得封贈父母妻  
等欲乞自今後南班正率以上遇大禮並依外官法許  
令封贈詔三省詳議以聞尋送吏部長貳看詳照得宗  
正司專法別無立定正率許封贈母妻并所生母及父  
祖條法見行皆係宣和紹興格法內該載換官格明言  
正率換修武郎今外官修武郎該遇大禮皆得封贈而  
正率係是修武郎一等合封贈官卻只得封贈母妻而  
不及父是致不格遂有此陳乞今看詳不格所乞亦人

之子孫常情況均為宗室豈有南班而反不如室室外官可以榮其親欲乞朝廷許從本官奏陳事理銓後南班宗室自正率以上遇大禮並依宗室外官法許令封贈父母妻並經大宗正司從條驗實保奏施行從之嘉定六年正月十一日宰執進呈次上曰希惲已致仕可念太子視希惲為伯朕已令請假七日宰臣史彌遠伏覲御筆希惲除昭信軍節度使開府儀同三司致仕恩禮隆厚今又蒙聖諭如此仰見陛下篤叙宗族之意二月二十四日大宗正司言在法非袒免以下親宗子宗女嫁娶雖依庶姓法而注文該載唯雜類與曾犯徒刑若惡逆之家子孫亦不許成親雜類注文為舅曾為

人力奴僕姑曾為娼并父祖係化外及居沿邊兩屬之人亦不許近年以來往往姦胥猾吏多與籍宗子偽冒苟合蓋茫門戶兜攬詞訟專事放譁把持上下莫敢誰何事成則安接賄賂事敗則宗子出官抵拒設有罪名不過聽贖閣請而已是以村豪恃富賄賂得行者必勝愚善貧民有冤莫伸誠為利害今欲自後宗室並不得與胥為公吏之家為親比同雜類之法庶幾隔絕前弊乞降指揮下本司以憑遵守從之 七年二月二十三日大宗正司言平江府崑山縣寄居宗子希堯文身犯法等事照對宗室為非皆是不逞惡少之孽於一時酒食錢物之利尋訪他事故意縱吏使之出名謂之陪涉

逮至有司但令宗室招承其罪餘人悉得幸免惡少恃此何憚而不為其陪涉之法者之令甲非不分明然冒犯者尚多況有該載未盡者謂如宗室雕青必須針筆之人方能文刺肢體悉是平時稔熟之輩雖明知宗室不許雕青緣無正條萬一犯至有司不曾推究所自是以為其引誘文刺者往往有之凡人一被文刺終身不可洗除餘人尚有從軍之計在宗室無所容身遂至愈更習下而況毀傷遺體有玷祖宗莫比為甚宗室不許雕青未著令甲所有施針筆為宗室雕青之人雖有條法欲更比附陪涉之法加一等斷罪仍許人告給賞錢一百貫於所犯宗室名下監償其宗室見支孤遺請給

即與住支終身更不幫放或有父祖恩澤不得承受其  
有同居尊長不覺察者亦作施行不唯使之知畏此實  
杜絕宗室為非之一端敕令所看詳在法教誘陪涉案  
室致犯罪者徒一年因而破壞資產費用錢物若為文  
刺身體者各加二等並千里編管不以蔭論上條該載  
已自詳備止緣宗室文身者卻無斷罪正條宗令今來  
申請委得允當所有日前文身者合就令措置使之自  
陳或置籍或給據庶使有所分別免到一例施行從之  
八年六月四日吏部言四川制置大使司申右選宗  
室在法釐務二考通不釐務四考聽通理關陞本司照  
得四川宗室釐務關止是作院理為釐務今來諸州作

院已行廢罷其宗室釐務差遣無關可入若必令歷釐  
務不釐務差遣共六考然後關陞委是艱阻乞將右選  
宗室令歷不釐務差遣三任六考特與關陞施行本部  
照得四川宗室既無可入之關則是無緣關陞若從本  
司所請則大為優濫欲與辰一任二考通理八考不釐  
務放行關陞廢幾酌中不廢四川宗室寸進從之 十  
年三月十八日詔魏惠憲王府小學教授依莊文府教  
授體例除落小學二字以皇姪貴和起赴朝參本府教官陳敬等申請故也十二  
年八月三日臣僚言照得大宗正司專糾合宗盟之職  
所宜望實素著乃能觀聽具孚今以嗣秀王兼總深為  
允當併乞今後如除授知宗須擇老成更練之人庶幾



肅示表儀同歸信厚尤稱陛下強宗之意從之